

# TAČKA IV

Na osnovu člana 67 Statuta Univerziteta Crne Gore (Bilten UCG, br. 337/15 i 447/18 ) i člana 20 Poslovnika o radu Vijeća Filozofskog fakulteta Univerziteta Crne Gore, Vijeće Fakulteta na sjednici od \_\_\_\_\_ 2023. godine, donosi

**POSLOVNIK  
O IZMJENI I DOPUNI POSLOVNIKA  
O RADU VIJEĆA FAKULTETA**

**Član 1**

U Poslovniku o radu Vijeća Fakultetu br. 01-1009 od 14.05.2015. godine 01-1576 od 06.07.2015. godine, u članu 3 iza stava 4 dodaju se stavovi 5,6 i 7 koji glase:

U slučajevima kada zbog vanrednih okolnosti nije moguće održati sjednicu Vijeća sa neposrednim prisustvom članova, sjednica se može održati uz učešće članova Vijeća putem Zuma.

Izuzetno, kada iz objektivnih razloga pojedini članovi Vijeća ne mogu neposredno prisustvovati sjednici, tada se mogu uključiti u rad i odlučivanje putem zuma i na taj način prisustvovati sjednici, o čemu odlučuje dekan kao predsjedavajući Vijeća.

Glasanje na sjednicama Vijeća iz stave 5 i 6 obavlja se u skladu sa članom 13 ovog Poslovnika, s tim da se članovi Vijeća koji prisustvuju sjednici putem zuma ne mogu izjašnjavati o pitanjima o kojima se glasa tajno.

**Član 2**

Ovaj Poslovnik stupa na snagu danom donošenja, a primjenjuje se prvi naredni dan od dana stupanja na snagu.

DEKANKA

Prof. dr Tatjana Novović

## Obrazloženje

Pravni osnov za donošenje Poslovnika o izmjenama i dopunama Poslovnika o radu Vijeća Fakulteta sadržan je u članu 67 Statuta Univerziteta Crne Gore i članu 20 Poslovnika o radu Vijeća Fakulteta. U članu 67 Statuta UCG je propisano da Vijeće Fakulteta donosi Poslovnik o svom radu, a u članu 20 Poslovnika o radu Vijeća Fakulteta da se izmjene i dopune Poslovnika vrše na načinu po postupku predviđenom za njegovo donošenje.

Razlozi za predloženu dopunu (stav 5) sadržani su u činjenici da predstoje opsežni radovi na zamjeni elektro instalacija u zgradi Fakulteta, koji će najvjerojatije trajati duži period (približno tri mjeseca) i time onemogućiti fizičko prisustvo zaposlenih u zgradi Fakulteta. Predložena dopuna u stavu 6 rezultat je dosadašnjeg iskustva u vezi sa neprisustvovanjem sjednicama jednog broja članova Vijeća. Ovom dopunom stvara se mogućnost njihovog učešća na sjednicama Vijeća na način kako je to predloženo.

Predmetna izmjena Poslovnika ne narušava kvalitet rada Vijeća, što je potvrda i održanih sjednica Vijeća u vrijeme pandemije COVID19, kada se shodno preporukama Svjetske zdravstvene organizacije i odlukama Vlade Crne Gore organizovao rad na Fakultetu.